



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

VV. Remen. Sanctae Sabinae Cardinali & Senonen. Archiepiscopis,
Antisiodoren. & Nivernen. Episcopis.


urn:nbn:de:hbz:466:1-20006

Vide supra lib.
1. epist. 130.

Cameraco Abbatum signato perpeximus contineri. Nos etiam, si bene recolimus, rescriptum conventionum ipsarum nobis ex parte regia presentatum inspeximus diligenter, & eas, sicut predecessor noster confirmaverat, auctoritate duximus apostolica confirmandas, tibi per scripta nostra mandantes ut ipsum Comitem ad observationem earum per excommunicationem personarum, & interdictum terrarum, compellere non tardares. Cumque tu postmodum juxta mandatum nostrum velles ipsum Comitem excommunicare, & terram ipsius interdicto supponere, ipse per nuncios suos afferens literas illas per suppressionem veritatis obtentas, quia in eis abolitionis factae mentio non fiebat, ab interlocutione tua nostram audientiam appellavit. Cum ergo rescriptum per suppressionem veritatis vel expressionem falsitatis obtentum vigorem habere non debeat firmitatis, fraternitati tuae per apostolica scripta mandamus quatenus si praemissis veritas suffragatur, infra viginti dies post susceptionem praesentium ipsum Comitem ab excommunicatione ac terram ejus ab interdicto sublato appellationis obstaculo absolvere non postponas; cariss. in Christo filio nostro Ph. illustri Francorum Regi ex parte nostra significans, ne id molestum accipiat, cum ex injuncto nobis servitutis officio sine personarum acceptione nulli debeamus justitiae debitum denegare. Alioquin noveris nos venerabilibus fratribus nostris Ambianen. & Tornacen. Episcopis, & dilecto filio Aquicinctin. Abbati, literis nostris districtius injunxisse, ut cum eis legitime constiterit de praemissis, ipsum Comitem ab excommunicatione & terram ejus ab interdicto nullius contradictione vel appellatione obstante denuntient penitus absolutos. Datum Laterani VI. Kal. Maij.

Epist. 41.

Scriptum est super hoc Ambianen. & Tornacen. Episcopis, & Aquicinctin. Abbati, ferè in eundem modum ut supra usque ad verbum absolutos. Nullis literis, harum mentione non habita &c. Quod si ambo &c. tu, frater Ambianensis, cum eorum altero &c.



PH. ILLUSTRIS REGI
Francorum.

Cum ex injuncto nobis &c. ferè in eundem modum ut supra usque ad verbum absolutos. Rogamus igitur magnificentiam regiam & exhortamur in Domino quatenus te non moveant aliquatenus vel perturbent quae secundum Deum & justitiam super ipso duximus negotio statuenda: quia licet te, tanquam carissimum nostrum & specialem Ecclesiae filium & Christianissimum principem amplexemur arctius in visceribus caritatis, & tuis, quantum cum Domino possumus, velimus intendere profectibus & augmentis, in nostri tamen executione officij apparere nolumus concedente Domino negligentes, cum illius vicem in terris gerere dignoscamur qui judicat populos in aequitate, & cuique vult suam justitiam conservari. Datum ut supra.

VV. REMEN. SANCTAE SABINAE
Cardinali & Senonen. Archiepiscopis,
Antisiodoren. & Nivernen. Episcopis.

Significante nobis dilecto filio nobili viro B. Flandren. Comite ad nostram noveritis audientiam pervenisse quod cum inter patrem ipsius Comitis & dilectum filium nobilem virum Comitem Nivernen. super matrimonii contrahendis taliter fuerit interposito juramento statutum, quod ipse pater Comitis filiam suam I. nomine eidem Comiti Nivernen. traderet in uxorem, & ipse filiam suam, cum ad annos nubilem perveniret, Philippo praefati Comitis Flandriae fratri, vel Henrico fratri ejus, si forte praemorereur Philippus, matrimonialiter copularet, & ad complementum ipsius contractus cariss. in Christo filius noster illustris Rex Franciae ex conditu unanimi deberet utrumque compellere, necnon vos illum per excommunicationem personarum & interdictum terrarum cogeretis qui a pacto matrimonij resiliret, sicut in literis ejusdem Regis & vestris, fratres Episcopi, dicitur manifestius contineri; idem Nivernen. Comes quod tam solenniter factum est adimplere negligit & recusat, licet ei sit ab altera parte super contractu matrimonij plenarie satisfactum. Cum igitur, tanquam vir nobilis & discretus, illam famam debeat suam sui nominis conservare,

Epist. 42.
Super eodem.

Epist. 41.
Quod cogit
Comitem Flandriae ad observationem juramenti praestitum.

ut non possit super eo quod licite dicitur jurasse meritò reprehendi, ipsum Comitē attentè monentes per literas nostras mandavimus ut juxta quod juramento fuit interposito compromissum, complere matrimonium, quantum in ipso fuerit, non postponat, ut videatur juramenta tam à se quàm hominibus suis exhibita, sicut convenit, observare, & ad id exequendum quod per se potest laudabiliùs adimplere, per alium non cogatur. Ideòque fraternitati vestræ per apostolica scripta mandamus quatenus supradicto Comitē ab executione mandati nostri cessante, ipsum ad observationem juramenti, sicut de jure tenetur, per censuram ecclesiasticam appellatione remota cogatis. Datum Laterani V. Kalend. Maij.

Scriptum est super hoc Comiti Nivernensi.

Epist. 44.

Super eodem scriptum est Philippo illi Regi Francorum, servè in eundem modum ut supra usque ad verbum appellatione remota compellant. Quia verò magnificentia regia fideles suos ad ea debet exequenda inducere in quibus non offendatur Deus, & fama boni nominis non lædatur, rogamus magnificentiam tuam & exhortamur in Domino quatenus non impedias quò minus præfatus Comes adimpleat quod juravit: quia cum ejuslicitum sit juramentum, ab observatione ipsius non debet retrahi, sed compelli. Datum ut supra.

BALDOINO COMITI FLANDR. & Mariæ uxori ejus.

Epist. 45.
Recipiuntur
sua protectio-
ne apostolica.

Apostolica sedes, quæ disponente Domino cunctorum fidelium mater est generalis, licet omnes teneatur paterno affectu diligere, in eos tamen uberius gratiam suæ dilectionis effundit quos ad exhibenda sibi grata devotionis obsequia invenit promptiores. Attendentes igitur dilectionis fervorem quam prædecessores vestri ad Rom. Ecclesiam habuisse noscuntur, & devotionem nihilominus quam vos ad personam nostram habere proponitis, firmo gerimus in proposito voluntatis personas vestras oculo benigniori respicere, & sincerioris dilectionis & gratiæ brachiis amplectari, ac in his quæ à nobis secundum Deum duxeritis requirenda, gratanter vobis assensum apostolicum impertiri.

Eapropter volentes vos, tanquam speciales Ecclesiæ filios, protegere pariter & tueri, personas vestras cum omnibus bonis quæ in præsentiarum rationabiliter possidetis, aut in futurum &c. usque ad verbum suscipimus, auctoritate præsentium districtius inhibentes ne aliquis sine manifesta & rationabili causa in personas vestras excommunicationis aut in terras vestras interdicti præsumat sententias promulgare. Ad hæc adjicientes statuimus, ut si vos in aliquo præferentis aggravari, liberè vobis liceat sedem apostolicam appellare. Si quis verò post appellationem ad nos legitimè interpositam in vos vel terras vestras excommunicationis aut interdicti sententias promulgaverit, ipsas decernimus non tenere. Nulli ergo &c. protectionis, inhibitionis, & institutionis &c. Datum Laterani IV. Kal. Maij.

THEOBALDO PRESBYTERO Canonico Cameracensi.

NE fiant controversiæ litigantium immortales, si sopitæ judicio quæstiones in antiquæ contentionis scrupulum reducantur, sententias per fratres nostros ex delegatione nostra canonicè promulgatas apostolicæ confirmationis præsidio consuevimus roborare; ne si pateret partibus à lata sententia resiliendi facultas, non litigantes litigia sed litigia potiùs fugerent litigantes, dum non nisi eis expirantibus expirarent. Sanè cum inter te & dilectum filium I. Presb. de Landreceis super præbenda Cameracen. Ecclesiæ, de qua te felicis record. Celestinus Papa prædecessor noster post preces & mandatum dilectis filii Capitulo Cameracen. porrecta, & executorem tibi ab ipso concessum, cassata collatione ipsius præbendæ dicto Presb. facta per Capitulum Cameracense, sicut ex literis ejus accepimus, curaverat investire, & super qua idem Presbyter, eam sibi asserens canonicè fuisse collatam, ad venerab. fratrem nostrum Episcopum & dilectos filios Decanum & Cantorem Atrebaten. commissionis literas impetrarat, qui cum, postquam iter aggressus fueras ad sedem apostolicam veniendi, causa rei servandæ in possessionem miserunt, quæstio verteretur, nos tibi & dilecto filio G. procuratori Presbyteri memorati constitutis in præsentia nostra dilectum filium Hugonem et.

Epist. 46.
Confirmatur
sententia lata
pro eo contra
I. Presbyterum
super præbenda
Cameracensi.

Zz ij